

詞林摘艷

正宮端正好目錄

聖天子統華夷

享富貴受皇恩

荷聖主撫洪基

一班兒扶社稷眾公卿

佳節百禎集

一班兒扶社稷眾英賢

水晶宮鮫綃帳

碧雲天黃花地

青靄靄柳陰濃



自從俺幸西蜀

傳將令馬休行

秋香亭上正歡濃

墨點柳眉新

一枕夢魂驚



乙集

不覩事折鸞凰

鴛鴦被半床閑

一聲鶯報上林春

支楞的斷了冰絃

柳輕柔花嬌媚

曉珊珊琪樹蕩靈風

芳草長亭露帶沙

花下燕鶯期

也不唱韓元帥

金殿鎖鴛鴦

一會家想多情

香塵暗翠幃屏

小庭幽重門靜

醉墨寫烏絲

新綠池邊

正團圓成孤另

訪知音習酌和

夜將闌人初靜

釣艇小苦寒波

王露滴起金風

柳飛綿花飄瓣

美甘甘錦堂歡

君德如春

壽香靄篆煙微

喜明時昇平世

正炎天暑氣增

減風流添憔悴

詞林摘艷

乙集

正宮端正好

聖天子統華夷際龍虎風雲會。有賢臣宰輔扶持。八方
寧靜干戈息。勝舜代過堯世。

滾繡球

保山河壯

帝基撫寬仁四海歸。順天心應垂祥瑞。千邦順萬國來
儀。省刑法薄稅歛。賞三軍一足食。盡歌謠豐年稔歲。
戶不扃路不拾遺。風調雨順民安樂。家給人足享富

貴。生意無虧。

倘秀才

文官每坐都堂。知法度清廉正直。武將每掌兵權。施號令赤心報國。因此上海宇清寧。日月輝。見如今風光盛。樂雍熙。保安。

社稷。

滾繡球

美金臺八景奇。看蘆溝曉月輝。高聳聳居庸疊翠。薊門過煙雨霏霏。看西山霽雪晴。翫秋風太液池。照金

臺紅輪斜墜。玉泉山倒掛虹蜺。

萬歲山祥雲靄靄籠瓊島。五鳳樓日色曛曛照紫微。堪畫堪題。

塞鴻秋

太平年無士馬昇平世。感

皇恩受宣勅。家豪貴。公卿拜舞在丹墀內。插宮花飲御酒。排筵會。笙歌奏管絃。社鼓鼕鼕。搗瓊林宴罷。醺醺

醉。

脫布衫

擺頭答兩行朱衣。跨雕鞍駿馬頻嘶。將照道紗籠挑起。笑吟吟玉鞭催騎。

小梁州

坐下嬌娃翠遶圍。步步相隨。畫堂銀燭照庭輝。安眠睡。福祿壽年齊。

么篇

子孫世襲登八位。靴踪兒不離。

朝基。一班兒宰相每。盡都是英雄輩。上凌煙閣內。入青史畫標題。

尾聲

讚吾

皇永綿綿聖意合天意。衆臣僚撫乾坤都與

皇家出氣力。秉忠良能治國。官清廉法正直。穀雙穗麥

二岐。現祥光靄瑞氣。普天下不動征旗掛酒旗。願吾

皇納諫如流萬民喜。

端正好

享富貴受

皇恩。陳綱紀明天道。貫宵襟虎畧龍韜。威儀楚楚全忠

孝文共武皆奇妙。

滾繡球

擺旌旗霞彩飄。列干戈日月高。驟蹀躞馬啣着金絡。
撼玲瓏玉掛絨絛。擁高衙大纛雄。坐重禋列鼎豪。靄
畫堂瑞煙籠罩。撲湘簾花霧飄飄。金爐火煖龍涎噴。
銀燭光輝絳蠟燒。歲月逍遙。

倘秀才

朝鳳闕朱衣紫袍。陞虎帳貂裘繡襖。瞻仰龍樓爵祿
高。氣昂昂趨黃道。雄糾糾侍清朝。近鑾輿玉藻。

呆骨朶

丹書鐵券金花誥。撫華夷四海名標。旌旗影欵動龍
蛇。金鼓響驚飛燕雀。出落着威武飛熊兆。調鼎鼎理
陰陽居廊廟。普天下賀太平壽域開宰。臣每整乾坤
安定了。

貨郎兒

開大宴齊臻臻華筵前歡樂。香馥馥玳羞美餚。有交
梨火棗有蟠桃。魚鱗脯烹魚尾。燒熊掌煎羊羔。

醉太平

有龍笛鳳簫。間鼉鼓檀槽。擺列着清歌妙舞。出妖嬈。唱黃鍾六么。萬民豐足。皆歡樂。八方寧靜。開懷抱。四時康泰。盡和調。

貨郎兒

文脩武備。日轉遷階。穩拍拍的輔佐邊庭。把這風塵靜掃。

尾聲

普天率土。歸王道。萬國尊依。賀

聖朝。君德誠明。勝舜堯。臣宰賢良。過管樂。則將那天下

奸邪盡平。勦。

端正好

荷

聖主撫洪基。登賢俊。安黎庶。仁恩布無間。華夷典章法度。皆修舉。因此上感神祇。來嘉瑞。

鴈過聲

由來是祖考積累。常思想開基創業。神功

聖德同天地。布恩威。撫黔黎。萬萬年。天下雍熙。吾

皇今繼體。須知道立綱陳紀。誠非易。守法度。慎終如慎。

始。

滾繡球

鑑前代事可稽。載簡冊靡有遺。堯放勳舜重華。後先承繼。夏禹帝勤儉無違。孝神明菲飲食。却儀狄絕酒醴。治水土安生民有功萬世。商成湯德日新。昭假遲遲。克寬仁祝網。覃恩德責六事。甘霖應禱。祈物阜民熙。

傾盃序

周世自太王始治岐。有

聖德文王繼。更牧野陳師。鉅橋發粟。鹿臺散財。武王承志。論成康嗣統。好賢樂善。守成無替。致雍熙泰和。八百戴應昌期。

脫布衫

漢高祖天與人歸。漢文景蹈矩循規。刑幾措黎民共仰。廣仁恩四方漸被。

小桃紅

太宗唐賢主。功業尤宣著。屈已求言行仁義。當時賢相稱房魏。曾將守成創業評難易。惟有魏徵言儆戒。

無虞。

芙蓉花

想前王德化美願

明主常留意承先志總覽網維咨啓沃輸忠義調和的
鼎鼐塩梅休忘了脩兵備屯將士撫鎮邊陲文共武
皆榮貴。

剔銀燈

尊郊廟嚴其享祀待宗室均其恩禮蠻貊戎夷要撫
綏厚風俗恤養惇嫠輕租稅寬力役民皆便利謹法

律休輕易。

伴讀書

念

皇天鑑

君德戒盈滿勤操執遊畋荒淫常湏制但兢兢業業存
欽畏時想着普天率土思康濟更盱食宵衣。

四邊靜

萬方歡悅天心慰乾坤藹和氣海嶽效禎祥神龜靈
薦蕃祉黃河又清騶虞又至隆古治平時難比我

聖明世。

尾聲

騰蒿祝遍九闈。但願吾

皇萬萬歲。

聖子神孫福壽齊。

端正好

一班兒扶社稷衆公卿。多應是隨

聖主天差降。一箇箇笑吟吟志氣昂昂。與

皇家出氣力忠良將。堪寫在凌煙上。

滾繡球

是男兒顯紀綱。掃蠻夷定四方。不枉了着俺這故鄉
人仰望。俺在那長亭畔。等不到半刻時光。見紛紛塵
土生。聽珊珊環珮響。並馬兒盡都是

聖朝卿相。諛的俺莊農每無處潛藏。馬頭前銀盆水確
成行擺。更有那狼虎公人列兩行。一箇箇壯貌堂堂。

倘秀才

父老每急荒忙下拜在路傍。大人每彼各將謙辭禮
講。數十載今朝還故鄉。將小童每審箇端的。年邁的

問箇行藏。這的是大人每大量。

滾繡球

自從俺隨

聖主離故鄉。西除東蕩。掃蠻夷。普定邊疆。立萬邦。定四方。進忠心。旦夕無恙。仗才能立國安邦。當為白玉擎天柱。堪做黃金架海梁。扶持着

萬萬歲君王。

脫布衫

托賴着明

聖主仁做三皇。明聖主德似陶唐。明聖主千邦讚

禮。明聖主萬民仰望。

小梁州

百姓每虔心一炷香。一齊的拜謝吾

皇。謝吾皇垂拱整朝綱。今日箇昇平相。着俺這黎庶每得安康。

么篇

願神孫

聖子常興旺。願金枝玉葉榮昌。願吾

皇聖體安。保護的山河壯。普天下軍民仰望。賀
萬壽永無疆。

尾聲

風宜時雨按節賀吾

皇有感天垂象。國無征家無虞。法正官清感
上蒼。掃蠻夷定四方。威伏的萬國降。萬萬載
當今帝業昌。則將這錦繡也似江山社稷掌。

汲沙尾

南

佳節百禎集。瑤光明映虹蜺。萬國來朝祝賀

聖壽天齊。雍熙寰宇內均陶和氣。金殿上雲霞呈瑞。讚
呼

萬歲引朝儀。佩聲趨擁拜丹墀。

脫布衫

北

玉殿上青鸞舞綵鳳。翩飛金鞍重寶馬。驕嘶象輅駕
風生繡旗。則見翠花影九重龍環位。

小梁州

北

稽首對揚祝願吾

皇福壽齊。大一統乾坤萬萬載。洪基正遇着

聖恩寬厚撫黔黎。普際遇風雲會。遙望見麗絳霄景星輝。
么篇 北

華渚慶虹流。果熟三千歲。咸祝願

聖明君萬壽天齊。嘉祥總獻呈。百福皆來備。幸相逢昇
平盛世。普天下賀雍熙。

漁家傲 南

際明時風雲會。四海車書盡同文軌。梯山航海走戎
夷。聞風慕義。輸誠來效蕃臣禮。齊歡慶
天壽佳期。擺列着充庭盛儀。南金大貝。千珍簇。白象黃

犀八寶羈多。華嚴陳詞拜跪。願吾
皇福壽與天齊。

醉太平 北

星辰拱太微。瑞氣靄彤闈。天心悅鑑衆仙集。獻蟠桃
味美。輕輕吹動雲和笛。徐徐舞轉鸞鸞對。雙雙齊進
紫霞盃。

萬萬歲尊臨着萬國。

普天樂 南

彩雲間丹霞裏。金殿上香騰瑞。雉扇開遙覩

聖恩寬厚撫黔黎。普際遇風雲會。遙望見麗絳霄景星輝。
么篇 北

華渚慶虹流。果熟三千歲。咸祝願

聖明君萬壽天齊。嘉祥總獻呈。百福皆來備。幸相逢昇
平盛世。普天下賀雍熙。

漁家傲

南

際明時風雲會。四海車書盡同文軌。梯山航海走戎
夷。聞風慕義。輸誠來效蕃臣禮。齊歡慶
天壽佳期。擺列着充庭盛儀。南金大貝。千珍簇。白象黃

犀八寶羈。多華麗。陳詞拜跪。願吾

皇福壽與天齊。

醉太平

北

星辰拱太微。瑞氣靄彤闈。天心悅鑑衆仙集。獻蟠桃
味美。輕輕吹動雲和笛。徐徐舞轉鸞鸞對。雙雙齊進
紫霞盃。

萬萬歲尊臨着萬國。

普天樂

南

彩雲間丹霞裏。金殿上香騰瑞雉。扇開遙覩

龍顏鴻恩布慕仰

皇威陳御宴列珍饈味。萬國衣冠慶歡會。撫蠻夷辨髮
雕題班遙鵠鷺羽儀際。明時普天率土仰光輝。

伴讀書 北

統乾坤萬萬里。總納在春風內。南北東西皆漸被。徧
林林總總歸仁義。只見那終宵行旅門無閉。鞏
社稷鴻基。

笑和尚 北

綿

皇圖萬萬年。開宇宙千千世。碧天長同迢遞。丹書覽金
鑑披。示嘉猷表民彝。酌流霞獻瓊盃。慶福祿如川至。

尾聲 南

淳風被徧四隣。共樂昇平明盛世。祝願吾

皇萬壽齊。

端正好

一班兒扶社稷衆英賢。皆因是際龍虎風雲會。一箇
箇秉赤心燮理。益梅撫安的萬邦稽首來朝禮。慶豐
稔昇平世。

滾繡球

掌銓銜冢宰公。司邦賦民部直。太宗伯禮儀純備。典
兵戎大司馬躍武揚威。明五刑理冤愆。司冠權總百
工督營繕寵父職。居內閣調鼎鼐共參機密。能諫爭
掌六科補缺拾遺。坐都堂繩愆糾謬。司綱憲處翰苑
論道經邦講治理。輔吾

皇端拱無為。

倘秀才

為師民教胄子純乎至德。脩國史垂褒貶祥乎事體。

端的是禮樂脩明教化美。一箇箇勝蕭曹扶

社稷。過房杜撫華夷。不枉了與

皇家作柱石。

脫布衫

一箇箇賢良似稷契皋夔。忠誠似傅呂周伊。文學比
班揚賈馬。公直勝宋姚王魏。

小梁州

家給人足國富貴。天下雍熙。萬民樂業仰
皇威。邊塞上絕了烽燧。懸酒旆捲征旗。

么篇

丹書鐵券。簪纓貴。享榮華。御酒堂食。見如今四海知。
三公位。幸遇着昇平時。世普天下永無敵。

端正好

水晶宮鮫綃帳。光射水晶宮。冷透了鮫綃帳。夜深沉
睡不穩龍床。離金門私出天階上。正風雪空中降。

滾繡球

似紛紛蝶翅飛。如漫漫柳絮狂。舞水花旋風兒飄蕩。
踐瓊瑤脚步兒匆忙。將白欄兩袖遮。把烏紗小帽盪。

猛回頭則將鳳樓凝望。全不見碧琉璃瓦甃鴛鴦。一
霎兒九重宮闕如銀砌。半合兒萬里乾坤似玉粧。恰
便似粉甸滿封疆。

倘秀才

我則見鐵桶般重門閉上。我將這銅獸面雙環扣響。
敲門的是

萬歲山前趙大郎。堂中無客伴。燈下看文章。特來聽講。

呆骨朶

衝寒風冒瑞雪來相望。有些箇機密事謹待要商量。

忙則麼了事。公人免禮。咱波招賢的宰相。這的是調鼎彛三公府。那裏也別頭髮。唐三藏我向這坐席間聽講會書。你休來我耳邊廂叫點湯。

倘秀才

朕不學漢高皇。身居在未央。朕不學唐天子。停眠在晉陽。常則是翠被生寒。金鳳凰。有心思傳說。無夢到高唐。這的是為君的勾當。

滾繡球

雖然與四海為一人。必索要正三綱。謹五常。朕幼年間。廣習鎗棒。恨則恨未曾到孔子門墻。尚書是幾篇。毛詩共幾章。講禮記始知謙讓。論春秋可鑒興亡。朕待學禹湯文武宗堯舜。卿可及房杜蕭曹。立漢唐。則要您燮理陰陽。

倘秀才

卿道是用論語治朝廷有方。却原來這半部運山河在掌。聖道如天不可量。談經臨絳帳。索強如開宴出紅粧。聽說罷神清氣爽。

滾繡球

銀臺上華燭明。金爐內寶篆香。不當煩教老兄自斟佳釀。又何須着嫂嫂親捧霞觴。卿道是糟糠妻不下堂。朕須想貧賤交不可忘。常言道表壯呵不如裏壯。妻若賢夫免災殃。朕如太甲逢伊尹。卿得嫂嫂呵恰似梁鴻配孟光。則願您福壽綿長。

倘秀才

但歇息呵論前王後王。恰合眼慮與邦喪邦。因此上曉夜無眠想萬方。雖不是歡娛嫌夜短。早難道寂寞

恨更長。憂愁事幾椿。

滾繡球

憂則憂當站的身無掛體衣。憂則憂家無隔宿糧。憂則憂甘貧的晝眠深巷。憂則憂讀書的夜寐寒窗。憂則憂壕寒妻怨夫。憂則憂啼饑子喚娘。憂則憂行船的一江風浪。憂則憂駕車的萬里行商。憂則憂布衣賢士無活計。憂則憂鐵甲將軍守戰場。題起來感嘆悲傷。

倘秀才

憂的是百姓苦向御榻心勞意穰。害的是不小可教寡人眠思夢想。太原府劉崇拒北方。我只得暫離丹鳳闕。親擁碧油幢。先取那河東的上黨。

滾繡球

卿道是錢王共李王。劉鋹與孟昶。他每都無仁政。着萬民失望。行霸道百姓遭殃。差何人鎮守西。命誰人定兩廣。取吳越必須名將。下江南宜用忠良。要定奪展江山白玉檠。天柱。索用您拯宇宙黃金架海梁。仔細參詳。

脫布衫

取金陵飛渡長江。到錢塘平定他鄉。西川路休辭棧惡。南蠻地莫愁煙障。

醉太平

陣衝開虎狼身。冒着風霜。用六韜三畧定邊疆。把元戎印掌。則要您人披鐵甲添雄壯。馬搖玉勒難遮當。鞭敲金鐙嚮玳瑁。早班師汴梁。

一煞

有那等順天心達天理去邪歸正皆踈放。有那等霸

王業抗王師。躍武揚威盡滅亡。休虜掠民財。休傷殘
民命。休淫污民妻。休燒毀民房。恤軍馬施仁法正。廣
錢糧定賞刑罰。保城池討逆招降。沿路上安民掛榜。
從賑濟任開倉。

煞尾

朕專待正衣冠尊相貌。就凌煙圖畫你那功臣像。卿
莫負立金石銘鐘鼎。向清史標題姓字香。能用兵善
為將。有心機有膽量。仰眺天文筭星象。俯察山川變
形狀。決戰先將九地量。畫戰須將旗幟張。夜戰須將

火鼓揚。步戰屯雲獲軍帳。水戰隨風使帆漿。竒正相
生兵最強。仁智兼行勇怎當。專聽將軍定這廂。坐擬
元戎取那廂。飛奏邊庭進表章。齊和昇平回
帝鄉。比及你列土分茅拜卿相。先將您各部下軍卒重
重的賞。

端正好

碧雲天黃花地。西風緊北鴈南飛。曉來誰染霜林醉。
總是離人淚。

滾繡球

恨則恨相見的遲。怨則怨歸去疾。柳絲長玉驄難繫。
恨不的倩疎林掛住斜暉。馬兒逆逆的行。車兒快快
隨。恰告了相思迴避。破題兒又早別離。聽的道一聲
去也鬆了金釧。遙望見十里長亭減了玉肌。此恨誰
知。

叨叨令

見安排着車兒馬兒不由人熬熬煎煎的氣。有甚心
將花兒靨兒打扮的嬌嬌滴滴媚。準備着被兒單枕
兒冷則索昏昏沉沉的睡。覺來時衫兒袖兒都搵濕

做重重疊疊的淚。兀的不閃殺人也波哥。兀的可不
閃殺人也波哥。從今後書兒信兒則索與我恹恹惶
惶的寄。

脫布衫

下西風黃葉分飛。染寒煙衰草淒迷。酒席間斜僉着
坐的。感愁眉死臨侵地。

小梁州

我見他悶淚汪汪不敢垂。恐怕人知。猛然見了把頭
低。長嗑氣推整素羅衣。

么篇

雖然久後成佳配。奈時間怎不悲啼。意似痴。心如醉。
想昨宵今日。清減了小腰圍。

上小樓

合歡未已。離愁相繼。想着俺那前暮私情昨夜成親。
今日別離。我諗知這幾日。相思滋味。却原來比別離
更增十倍。

么篇

年少呵輕遠別。情薄呵易棄擲。全不想俺腿兒相壓

臉兒相搵。手兒相携。你與我崔相國。做女婿。妻榮夫
貴。但得箇並頭蓮。強如狀元及第。

滿庭芳

供食太急。須臾對面。傾刻別離。若不是酒席間子母
每當迴避。有心待舉案齊眉。雖然是相守的一時半
刻。也合着俺夫妻每共卓而食。眼底留情意。尋思起
就里。險化做望夫石。

快活三

將來的酒共食。嚼着一似土和泥。假若便是土和泥。

也有些土氣息泥滋味。

朝天子

暖溶溶玉盃。白泠泠似水。多半是相思淚。眼前面茶
飯怕不待要喫。恨塞滿柔腸胃。蝸角虛名。蠅頭微利。
今日箇折鴛鴦兩下里。一箇在這壁。一箇在那壁。則
落的一遞一聲長噓氣。

四邊靜

霎時間盃盤狼籍。見車兒投東馬兒向西。兩意徘徊。
落日山橫翠。今宵宿在那里。有夢兒難尋覓。

耍孩兒

淋漓襟袖啼紅淚。比司馬青衫更濕。伯勞東去燕西
飛。未登程先問歸期。雖然眼底人千里。且盡生前酒
一盃。未飲心先醉。眼中流血。心內成灰。

五煞

到京師服水土。趁程途節飲食。順時自保揣身體。荒
村雨露宜眠早。野店風霜要起遲。鞍馬秋風裏。最難
調護。最要扶持。

四煞

這憂愁訴與誰。相思只自知。老天不管人憔悴。淚添
九曲黃河溢。恨壓三峯華嶽低。到晚來悶把西樓倚。
見了些夕陽古道。衰草長堤。

三煞

笑吟吟一處來。哭啼啼獨自歸。歸家若到羅幃裏。昨
夜箇繡衾香煖留春住。今日箇翠被生寒有夢知。留
戀你別無意。見攬鞍上馬。問不住淚眼愁眉。

二煞

你休憂文齊福不齊。我怕你停妻再娶妻。你休要一

春魚鴈無消息。我這裏青鸞有信頻須寄。你休要金
榜無名誓不歸。此一節君須記。若見了異鄉花草。再
休題此處淒遲。

一煞

青山隔送行。踈林不做美。淡煙暮靄相遮蔽。夕陽古
道無人語。禾黍秋風聽馬嘶。我為甚懶上車兒內。來
時甚急。去後何遲。

尾聲

四圍山色中。一鞭殘照裏。遍人間煩惱填膏臆。量這

些大小車兒如何載得起。

端正好

青藹藹柳陰濃。輕拂拂荷香蕩。小紅亭嫩綠池塘。水晶簾動波紋漾。高捲在金鈎上。

滾繡球

翠雲亭青鎖窗。紫藤蓆白象床。罩湘裯碧紗鴛帳。夢初回浴罷蘭湯。出繡房過畫堂。扇羅輕晚風清爽。汗珠消玉骨生涼。將松濤細煮團龍茗。花霧濃熏睡鴨香。別是箇風光。

倘秀才

蟬髻驪斜簪鳳凰。粉臉淡重勻海棠。翠點眉心半額黃。縷金香串餅。雲錦藕絲裳。添了些晚粧。

滾繡球

步盈盈羅襪涼。動珊珊環珮響。翠陰中倚欄凝望。浸樓臺雲影天光。小壺天風月場。萬花叢鴛鴦鄉。彩霞收綠雲搖漾。顫巍巍羽蓋雲幢。蕊珠宮裏神仙墜。織錦機頭窈窕娘。淡抹濃粧。

倘秀才

詞林
言
綠槐陰深深院墻。金井畔低低小房。葵萼傾心向日
光。萱開黃鵠嘴。榴簇絳紗囊。正紅稠綠穰。

塞鴻秋

露滋花花含露。玳珠輕綴霞綃上。絮霑苔苔鋪絮粉。
錦碎剪絨氈上。柳葭鶯鶯穿柳綠。絲亂拂金梭上。藻
驚魚魚驚藻。錦鱗雙捧銀盤上。白露下碧波。雪片飛
江上。竹吟風風篩竹玉簫聲。斷青鸞上。

脫布衫

白蓮藕味美甘霜。銀絲膾細縷新薑。玉碗調冰壺蔗

漿。荷筒貯碧香春釀。

小梁州

玳瑁筵前白晝長。錦片排場。鳳簫鼉鼓間笙簧。瑤箏
上。玉柱鴈成行。

么篇

雪兒對舞雲娥唱。按梨園一派宮商。醉眼狂歡情暢。
餘音嘹唳。齊和着採蓮腔。

醉太平

倚雕欄艷粧。拂兩袖天香。猛然驚散宿鴛鴦。俊嬌娃

盪漿清波小小蘭舟漾。空蒼隱隱銀蟾晃。夕陽縹緲
綵雲長。

貨郎兒尾

扭結丁香扣鎖鴛鴦。端的是占斷了風流窈窕娘。

端正好

自從俺幸西蜀還京兆。甚的是夜月花朝。半年来白
髮添多少。怎打迭愁容貌。

么篇

病懨懨料被羣臣笑。玉叉將畫軸高挑。荔枝花菓香

檀卓。我這里覷了傷懷抱。

滾繡球

險些兒氣冲倒。自審約。將太真妃放聲高叫。叫不應
不由人雨淚嚎啕。這待詔是手高。畫的來無半星兒
差錯。雖然是快染能描。畫不就沉香亭畔回鸞舞。花
萼樓前上馬嬌。一簇兒妖嬈。

倘秀才

長記的千秋節華清宮宴樂。七夕會在長生殿里乞
巧。恰便似連理枝頭比翼鳥。誰想道乘彩鳳返丹霄。

一時間命夭。

呆骨朵

有心待蓋下一座楊妃廟。爭奈我幸西蜀車駕還朝。則我這孤辰運難熬。更打着離恨天最高。在生時同衾枕。不能勾死後同棺槨。誰承望馬嵬坡塵土中。可惜也。把一枝海棠花零落了。

倘秀才

這場雨一陣陣都打的梧桐葉凋。一點點都滴的人心碎了。若不是金井銀窻緊護着。只好把潑枝葉做

柴燒。我將來鉅倒。

滾繡球

常想着長生殿那一宵。列笙歌奏九韶。不合將梧桐樹擊成腔調。戲言詞絮絮叨叨。沉香亭那一朝。按霓裳舞六么。立蒼苔並肩斜靠。亂宮娥鬧鬧炒炒。都則為那當時歡笑栽排下。今日淒涼厮轆着。仔細量度。

芙蓉花

淡煙氳篆煙裊。昏慘慘銀燈照。看了這夜漏遲遲。靜悄悄的初更報。我這里暗覷青霄。盼夢里他來到。常

言道口是心苗。不住的頻頻叫。

伴讀書

一會家心內焦。四壁廂寒蛩鬧。忽見掀簾。不住西風惡。遙觀見滿地陰雲罩。我這裏披衣悶把幃屏靠。最業眼難交。

笑和尚

原來是滴溜溜過閣堦。敗葉飄淅零零細雨。將紗窓哨。骨碌碌風閃的燈花爆。嘶瑯瑯鳴殿角。撲簌簌墜林梢。元來是捲珠箔。晚風敲。玳瑁鐵馬兒響。簷前

鬧。

尾聲

順西風忙把紗窓哨。送寒氣頻將繡戶敲。料應來這一宵。雨和淚人怎消。雨更多淚不少。雨灑寒稍。淚濕龍袍。不肯相饒。更和那雕簷外梧桐下到曉。

端正好

傳將令馬休行。排隊伍軍休鬧。定唐朝只在今朝。將一箇太真妃馬上觀瞻了。端的是傾國傾城貌。

滾繡球

見娘娘鳳頭鞋將寶鐙挑龍袍袖金鞭裊玉纖手忙
將那紫絲韉緊拈。諛的他戰欽欽把不住鞍韉。也無
那左右隨前後。那裏有錦衣花帽。馬行疾諛的他
魄散魂消。這的是軍行西蜀連雲棧。使不的你倏落
俺
君王上馬嬌。一簇兒妖嬈。

倘秀才

六宮中冥冥悄悄。四海外荒荒鬧鬧。您一日亂俺十
年不定交。俺倚着垓心戰。您倚仗着翠盤嬌。您排宴

俺這裏戰討。

滾繡球

您那裏銀箏間玉簫。俺這裏長鎗對短刀。您那裏列
官人俺這裏密排着軍校。您那裏笙歌響俺這裏戰
鼓齊敲。俺臨陣不死傷。您登筵不醉飽。且休說俸錢
多少。俺這裏戰軍回。您那裏宴罷臣僚。您那裏醉醺
醺酒滄濕宰相春羅袖。俺這裏血涿涿濕浸透將軍
那一領錦戰袍。蓋因是天數難逃。

倘秀才

三月三九龍池鬪草。七月七您在那長生殿上乞巧。唐天子親擊梧桐按六么。這的是國正天心順。使不着家富小兒嬌。從今後罷却。

呆骨朶

太真妃養着箇家生哨。則為你在翠盤中舞起兵刀。見如今臣背了君心。我則怕鴉奪了鳳巢。微臣可也上不的凌煙閣。娘娘也立不起楊妃廟。微臣今日進孝來能進忠。娘娘你可甚麼養小來防備老。

貨郎兒

也不索去

君王行請詔。也不索問娘娘行取招。我則見鐵統軍圍了一週遭。一箇按不住心頭怕。一箇淚撲簌臉兒上拋。

脫布衫

高力士絮絮叨叨。陳玄禮恹恹焦焦。太真妃煩惱煩惱。唐明皇穰穰勞勞。

醉太平

則聽的鼙鼙鼓敲。骨刺刺雜彩繡旗搖。那里有江

梅手韻海棠嬌。把娘娘軟兀刺的詭倒。見娘娘
聖主行忙哀告。見陛下磨拳擦掌心焦惶。我則見握霧
行雲那馬兒越咆哮。

貨郎兒尾

君騎羸馬連雲棧。可惜將一箇嬌滴滴楊妃今日馬
踐了。

端正好

秋香亭上正歡濃。我恰纔秋香亭上正歡濃。望着這
上林苑迓席走趨。西風獨步閑遊。想一年世事如翻

手。撚指間重陽又。

滾繡球

淅霖霖暮雨收。冷清清禁苑幽。悶恹恹去年時候。不
覺的透羅衣風力颼颼。風吹散面上酒。戲折的砌畔
菊。我則將這嫩香來重臭。果然道佳節難酌。今朝綠
釵人先醉。我則怕明日黃花蝶也愁。信步閑遊。

倘秀才

一弄兒殘荷敗柳。這塌兒是俺那去年前感恨題詩
御溝。低首沉吟喟然久。撲簌簌淚交流。恰便似珍珠

脫了線頭。

叨叨令

怕兒湮淚搵濕衫兒袖。冰的我這鞦兒涼浸的我鞋
兒透。逗的我意見新感起我情兒舊。哭的我心兒酸
引的我眉兒皺。玉英呵。喏兩箇去來也波哥。喏兩箇
去來也波哥。照的我影兒孤越顯的身子兒瘦。

白鶴子

我從那去年前親發送。今歲也尚停留。我分明送過
這玳瑁石壓欄前。到閃在金漆木排柵後。

白鶴子

經年離了池沼。我則道紅葉兒爛在汀洲。顏色兒可
也儼然新。墨跡兒無些舊。

快活三

莫不是有誰人題詩在上溜頭。怎肯道是我干休。好
教我厮僣厮倖厮追究。我與你親把河崖叩。

紅繡鞋

緊跣定玻璃鴛鴦。天生下駝腰柳不纜龍舟。恰便似
玉女觀泉弄溫柔。將身子兒斜探定。一隻手把柳條

兒揪。一隻手挽定一枝顫巍巍新嫩竹。

鮑老兒

展玉腕厮瑯瑯向水面上兜。更怕甚濺濕泥金衫袖。則向這翠竹稍頭少箇釣鈎。引的這水勢兒向東流。我則見衝開錦鱗。驚飛綠鴨。蕩散白鷗。見題紅泛泛。隨風颭颭。順水悠悠。

古鮑老

我這裏探身在岸口。將紅丟丟葉兒掉在手。就着這向陽日頭。濕浸浸水痕羅帕收。渾一似血染般胭脂。

透是誰人將巧計搜。全不怕官司窮究。他將那兩句兒詩聯就。

柳青娘

誰曾道是趁逐。天賜這場厮迤逗。看了這詩中意接。必定是箇俊儒流。裁冰剪雪忒慣熟。若得來雙雙配偶。盡今生共結綢繆。從那去年前紅葉上。紅葉上把詩脩。

道合

恰向今秋。恰向今秋。今秋園苑却閑遊。恰相投。着俺

着俺自僞憊。着俺着俺空遙受。同觀的池上景清幽。
細疑眸自索守。使咱家空迤逗。道那些那些合成就。
天生落在咱家勾。那些那些合成就。若還見的遲疾
後。若不咱收。風力颼颼。趁着龍溝險些兒厭厭厭逐
水。厭逐水向向向東流。

耍孩兒

往常我守椒房。擔寂寞。捱昏晝。今日箇又添上關心
症候。趁西風飄離了樹梢頭。送與我這一場閑悶閑
愁。見了些翠裙鳳翅傷秋扇。聽了些絳幘雞人報曉

籌。年年池館皆依舊。則俺這嬪妃年老。幾時似葉落
歸秋。

三煞

題詩人長共短。有情人好共醜。不明不暗因他瘦。心
兒中想念何曾見。夢兒裏相逢不似俦。這姻緣空遙
受。青鸞無信。紅葉難酌。

二煞

弄詩章相戲逐。不良才歹是頭。去年前將兩句相迤
逗。暗歡喜空把心中愛。假煩惱胡遮臉上羞。辨着片

志誠心將他候。看承做神珠玉顆。出入在鳳閣龍樓。
一煞
做一箇符牌兒挑在鬢邊。做一箇面花兒貼在額顱。
做一箇香囊兒盛了揣着肉。無情自許無情受。好處
將來好處收。自今夜黃昏候。準備着洞房花燭。安排
下繡幕香裘。

尾聲

穩坐着白象床。滿斟着碧玉甌。擁鮫綃紅葉兒懷中
樓。玉英你與我遞幾盞兒新婚慶喜酒。

端正好

墨點柳眉新。酒暈桃腮嫩。破春嬌半顆朱唇。海棠嬌
色紅霞韻。宮額芙蓉印。

滾繡球

藕絲裳翡翠裙。芭蕉扇竹葉榭。襯湘裙玉鈎三寸。露
春葱十指如銀秋。波兩點真。春山八字分。顫巍巍霧
鬟雲鬢。胭脂頸玉軟香溫。輕拈翠壓花生暈。斜插犀
梳月破雲。悞落風塵。

倘秀才

莫不是麗春園蘇卿的俊身。多應是西廂下鶯鶯的
影神。便有丹青畫不真。粧梳諸樣巧。笑語暗生春。他
有那千般兒可人。

脫布衫

常記的五言詩。暗寄回紋。千金夜占斷青春。厮倍奉
嬌香膩粉。喜相逢柳管花陣。

醉太平

這些時春寒繡裯。月暗重門。梨花暮雨近黃昏。把香
衾自溫。金盃不洗心頭悶。青鸞不寄雲邊信。玉容不

見意中人。空教人害損。

隨煞

想當日一宵歡會成秦晉。番做了千里關山勞夢魂。
漏水更長燭影昏。柳暗花遮曙色分。酒釀花濃錦帳
新。倚玉偎紅翠被溫。有一日重會菱花鏡裏人。將我
這受過淒涼正了本。

端正好

一枕夢魂驚。千載風雲過。將古今英俊評說。誰才能
誰霸道。誰王佐。只落的高塚麒麟卧。

滾繡球

時與命道不合。我和他氣不和。皆前定並無差錯。雖
聖賢膏次包羅。我則待據六合。必須要併一禍。其中
有萬千人我。各有箇天時地利人和。氣難吞吳魏。亡
了諸葛。道不行齊梁。喪了孟軻。皆因天數難那。

倘秀才

舉伊尹有湯王倚托。微管仲無桓公不可。想公子如
何不糾合。失時也亡了家國。得意後霸了山河。是
君臣每會合。

脫布衫

時不遇築坂為活。時不遇荆南落魄。消磨時不遇踰
垣而走。時不遇在陳忍餓。

小梁州

男子貧窮如禮何。暴虎憑河。甘貧守分。恁蹉跎。顏回
樂。知足一瓢多。

么篇

既功名不入凌煙閣。放踈狂落落魄魄。就着這老瓦
盆。浮香糯。直喫的日輪西墜。醒後又如何。

醉太平

看別人揮鞭登殿閣。舉掉泛蒼波。爭如我得磨陀處。且磨陀。無名疆利鎖。携壺載酒穿林樂。臨風對月閑吟和。有花有酒且高歌。居村庄快活。

叨叨令

聽樵歌牧唱依腔和。整絲綸獨釣垂鈎坐。鋪苔陰展綠草張雲幕。披樵簑帶雨笠和煙卧。兀的不快活煞人也波哥。兀的不快活煞人也波哥。且潜居甘分隨緣過。

一煞

也不學採薇自潔埋幽壑。也不學舉國獨醒奠汨羅。也不學墨子回車巢由洗耳。也不待相宣言。也不扣角為歌。却回光返照。我圖甚苦張羅。

二煞

甕頭白酒新醅潑。盤肉黃齏盆醬和。詩裏乾坤壺中日月。醉醒由已。清濁由他。我量寬似海。盃吸長鯨。酒泛紅波。醉鄉不飲待如何。

三煞

忘憂陋巷於咱可。樂道窮途奈我何。左抱琴書。右携
妻子。無半紙功名。趨萬丈風波。看別人爭頭鼓腦。不
如我雲外蹉跎。咱圖甚麼。回首總南柯。

尾聲

既無那把關擊柝名煎聒。且守這養性收心安樂窩。
用之行舍則趨。居山村遠鼎鑊。黃菊東籬栽數科。野
菜西山鋤幾鍋。聽一笛斜陽下遠坡。看幾縷殘霞蘸
碧波。揀蒼臨溪鰲背駁。骨角成形我切蹉。玉石為珪
自琢磨。垂笑不綸手不搓。養拙榮身自潛趨。縱然是

非滿乾坤。端的近不的我。

端正好

不覩事拆鸞凰。軟兀刺分鶯燕。茶船上暗接了絲鞭。
浪花中一葉扁舟遠。望不見芙蓉面。

滾繡球

想呵俺那無主意的人。恨呵他那有勞力的錢。被幾
文薄銅錢將柳青買轉。莫不我只有分寡宿孤眠。這
其間過金山古寺前。到潯陽江岸邊。把九品江水茶
嘗遍。他幾曾慣掃雪烹煎。他安排着渲肚腸鳳髓酌

歌興。我準備着調琴瑟。鸞膠續斷絃。再相見。甚日何年。

倘秀才

書寫下情詞數聯。更叙着寒溫半篇。揀一張整整齊齊錦色箋。將心事付嬋娟。百般的無一箇順便。

滾繡球

往常時玉樓前。巢翡翠。繡衾中交頸鴛鴦。也曾遂少年心愿。翠紅鄉有俺十全。他則會風月情。花柳筵。幾曾經這般水面。俺陪了茶引三千。把一箇麗春園生扭

做相思海。金斗郡翻為離恨天。就裏難言。

倘秀才

再不見嬌滴滴人如玉仙。星懨懨髮邊翠鈿。再不見桃花扇影偏。我往常樽前席上。小樓前。將吹彈敷演。

呆骨朵

梨花零落深沉院。冷清清閑煞鞦韆。誰想他信香音乖。我緣薄分淺。倒城計虔婆騙。誰與這無勢力的人方便。他管甚麼有情的事。有情。問甚麼介元不介元。

尾聲

新愁不共芭蕉展。舊恨難將柳絮穿。曾記臨行甚語
言。恩愛番成生死冤。赤緊的冤家緊厮纏。有一日宴
罷瓊林做狀元。除得臨川做府縣。那時節蘇婆婆方
知姓名顯。

端正好

鴛鴦被半床閑。蝴蝶夢孤幃靜。常則是哭香囊雨淚
盈盈。若是這姻緣簿一世合該定。有一日雙駕車香
肩並。

滾繡球

常記的曲江池麗日晴。正對着春風細柳營。初相逢
在麗春園遣興。便和他謁漿的崔護留情。曾和他在
萬花堂講志誠。錦香亭設誓盟。誰承望下場頭半星
兒不應。及殺調風月燕燕鶯鶯。則被這西廂待月
張君瑞送了這花月東墻董秀英。盼殺君卿。

倘秀才

翫江樓山圍着畫屏。見一隻採蓮舟斜灣在蓼汀。待
和他紅葉傳情訴咱悶縈。並頭蓮分做兩箇。鴛鴦會
不完成。知他是怎生。

滾繡球

甫能的瀟湘夜雨晴。早閃出烏林皓月明。正孤鴈漢宮秋靜。知他是甚情懷。月夜聞箏。那時節理殘粧玉鏡臺。燒香到拜月亭。則被這傷梅香緊將咱隨定。不能勾寫相思紅葉題情。指望似多情雙漸憐蘇小。到做了薄倖王魁負桂英。撇的來冷冷清清。

倘秀才

金鳳釵斜簪在鬢影。抱粧盒寒侵倦整。想踏雪尋梅路怎行。弄黃昏梅稍月。香正滿酷寒亭。傷情對景。

叨叨令

當日箇破連環。覷賺成了交頸。誰承望錯立身的子弟無音問。閃的我似離魂倩女。想思病。將一箇魔合羅臉兒消磨盡。兀的可也做不着也波哥。兀的可也做不着也波哥。如今這謊郎君一箇箇傳槽病。

脫布衫

我便似藍橋下失志書生。他便似竹林寺有影無形。受寂寞似越娘背燈。恨別離如樂昌分鏡。

小梁州

他便似柳毅傳書住洞庭。千里獨行。吹簫伴侶冷清。
清。我待學孟姜女般真誠性。我則怕啼哭倒了長城。
么篇

京娘愁怨成孤另。怨你箇畫眉的張敞雜情。揣着竊
玉心。偷香性。我自學齊眉舉案。賢孝牌上立箇清名。
尾聲

金釵剪燭人初靜。綵扇題詩句未成。後庭花歌殘玉
樹聲。琵琶怨淒涼不忍聽。比題橋的相如忒寡情。戲
妻的秋胡不志誠。想則想關山遠路程。恨則恨衣錦
還鄉不見影。則不如一副紙公書謹緘定。寄與箇三
負心的敲才自思省。

端正好

一聲鶯報上林春。五更雞唱扶桑曉。賀三陽萬國來
朝。踐天街車馬知多少。端的是塞滿東華道。

滾繡球

赤羽旗踈刺刺風尚高。丹墀陛濕浸浸雪未消。金鑾
殿淡氤氳瑞煙繚繞。玉獅爐香馥馥蘭麝風飄。銀酥
蠟明燦燦金蓮護絳綃。綵鸞扇微影影青鸞燼翠翹。

穉瑜錦軟茸茸平鋪着寶街複道。珊瑚鈎滴溜溜高
簌起繡幕珠箔。九龍車霞光炯炯明芝蓋。五鳳樓日
色瞳瞳映赭袍。隱隱鳴稍。

倘秀才

鷓鴣班文僚武僚。熊虎隊龍韜豹韜。八府三司共六
曹。象牙牌犀角帶。龜背鎧鴈翎刀。有丹青怎描。

脫布衫

椒花頌萬代歌謠。栢葉盃九醞葡萄。因陳簇雕盤翠
縷。金花挿玳筵官帽。

小梁州

一派仙音奏九韶。端的是錦瑟鸞簫。紅牙象板紫檀
槽。中和調。天上樂逍遙。

么篇

瑤池青鳥傳音耗。說神仙飛下丹霄。一箇箇跨紫鸞。
一箇箇騎黃鶴。齊歌齊笑。共王母宴蟠桃。

端正好

支楞的斷了冰絃。玳瑁分開鸞鏡。撲襲的井墜了
銀瓶。滴溜的半窻殘月梧桐影。又感起我心頭病。

滾繡球

這些時愁沒亂心不寧。睡不安夢自驚。乍離別怎捱
這淒涼光景。想多才必定飄零。雖然他不志誠。難道
他無定準。他可也既無情呵。可怎生頻稍書把咱欵
敬。既有情呵。可怎生過三秋不見回程。這些時慳慳
瘦損添愁悶。他那里緊緊的相纏割不斷情。魚鴈無
憑。

倘秀才

每日家愁悶到三更四更。長嘆有千聲萬聲。似這般

枕冷衾寒夢不成。一箇冷落在臨川縣。一箇寂寞在
豫章城。兩下裏都一般病症。

滾繡球

偎着呵咱便溫。撇着呵咱便冷。俺兩箇同死生一言
爲定。休學那不堅牢紙做的湯瓶。害相思如病酒。看
看的脫了形。執迷着潑郎君飄零水性。兩般兒勞意
勞形。因他舊恨添新恨。待道無情却有情。忘不了海
誓山盟。

倘秀才

怕的是更長漏永愁的是衾寒枕冷恨的是羅帶同心結未成題心事訴離情把文房強整。

滾繡球

染霜毫麝墨濃。潤端溪秋水澄。把花箋巧疊成方勝。紙和筆包藏着兩字關情。展開這紙來呵。好着我目邊點水言難盡。拈起筆來呵。好教我門裏挑心寫不成。則將這班管來高擎。

塞鴻秋

行時思坐時想。閑時論。怕人知。嗔人說。嫌人問。往常

我圖他些甜愛。他些俏貪。他些俊。因此上。耽着驚恐。着怕懷揣着悶。風流人可憎。可意堪人敬。雖然是口兒強。身子掣心兒順。

脫布衫

這簫他吹起來。閑悶閑縈。引的人無緒無情。再誰敢道。凭欄倚樓。再誰敢道。放懷遣興。

小梁州

這簫他引鳳勾鸞。感起舊情。又不比月夜聞箏。則俺這離人。哀怨不堪聽。吹的是陽關令。吹徹斷腸聲。

么篇

雲籠皓月如懸鏡。上紗窗照咱離情。愁的是皎潔蟾。感起心頭病。照的人影兒孤另。因此上嫌殺月兒明。

端正好

柳輕柔花嬌媚。春雲淡日色輝輝。曉來枝上鶯聲細。似喚起遊春意。

滾繡球

柳陰中驕馬嘶。花陰外好鳥啼。看蜂蝶採花成對。巧丹青粧點屏圍。這壁廂令鼓催。那壁廂妙舞宜。採花

枝玉纖相透。戲鞦韆畫板露泥。高張翠蓋嬌紅粉。慣走青驄俊綠衣。堪賞堪題。

倘秀才

牡丹亭嬌容膩體。芍藥圃濃香艷蕊。玉蘂山茶間紫。薇素珍珠明含笑。紅錦被映醅釀。海棠花似煙霞照水。

脫布衫

一處處仕女遊嬉。一攢攢醉客罇罍。一簇簇笙歌韻美。一步步管絃聲沸。

小梁州

沽酒樓前人聚集。掩映疎籬。桃花似錦柳依依。蒸和氣。賽閬苑勝瑤池。

么篇

江南自古繁華地。勝追遊。盡醉方歸。波動處。綠鴨浮。沙暖處。紅鴛睡。風流佳致。省可裏杜鵑啼。

尾聲

遊春不覺金烏墜。乘興還隨玉兔回。倒玉頰山醉似泥。相賞休違。莫負芳菲。看了這萬紫千紅。端的是畫

圖裏。

端正好

曉珊瑚琪樹蕩靈風。晚濛濛輦道迷香霧。花撲撲錦乾坤望眼模糊。曲盤盤五城十二樓前步。遠騰騰似入蓬萊路。

滾繡球

紅冉冉綠依依花籠陰映玉除。清淺淺響濺濺水流。香出翠渠。明朗朗墨浸浸八龍篆太霞深處寬綽綽。靜撓撓遶雕闌依翠檻展轉盤紆。滑擦擦細粼粼布

金沙雲堦甃珞珞。輕颭颭。廝瑯瑯。隔琳窻。霞綃響珮
琚。薄設設。淨勺勺。蒙畫欄。護銀屏。水涵雲母。齊臻臻
滴溜溜。掛珠箔。捲繡簾。鈎搭珊瑚。香靄靄。煖溶溶。玉
樹縹緲。迷青瑣。氣森森。光閃閃。金屋稜層。絢碧虛。真
乃是人間天上全殊。

倘秀才

瀟爽似瀛海東扶桑輿區。廓落似閨苑西蟠桃聖圃。
一片天光浸玉壺。閣門珠絡簌。複道錦鞦韆。上清華
洞府。

脫布衫

丹青繪絳闕清都。奎星燦寶檢靈書。龍虎衛飛天篆
符。風霆護太玄瓊籙。

醉太平

以琴書自娛。與道德爲徒。孔情周思乃蓄畬。擺列着
牙籤玉軸。上青冥借嫦娥八竅月中兔。採神芝倩麻
姑七寶山前鹿。訪丹丘賃張公千歲杖頭驢。樂逍遙
分福。

尾聲

近北軒竹搖煙氤氳鳳展冲霄羽。對南樓松掛月矯
矯龍啣照乘珠。綽約仙君蒞廣居。玄默無爲道味腴。
一寸心存太古物。萬里神遊廣漢墟。萼綠飛瓊時寄
語。赤鯉青鸞頻報覆。報覆道滄海碧雲拱望館。恁時
節鶴馭雲輶降王母。

一剪梅

芳草長亭露帶沙。盼遊子來家。翠消紅減亂如麻。隔
粧臺慵梳掠掩菱花。

賽鴻秋

我這裏望賓鴻。目斷夕陽下。盼情人獨立在簾兒下。
夜香燒禱告。在花陰下。喜珠兒空掛在紗窻下。風兒
漸漸吹。雨兒看看下。我這裏受淒涼。獨坐在孤燈下。

汲沙尾

雲雨阻巫峽。傷情斷腸人在天涯。錦字無憑。虛度荏
苒韶華。嗟呀。春晝永。朱扉半壓。東風靜。湘簾低掛。黛
眉懶畫。驪宮容鬢邊斜。插小桃花。

脫布衫

我這裏冷清清無語嗟呀。急煎煎情緒交雜。瘦伶仃

寬褪了絳裙。病懨懨淚濕羅帕。

漁家傲

燕將雛逢初夏。夢斷華胥風弄簷馬。空閑了刺繡窻。紗香消寶鴨。那人在何處貪歡耍。空辜負沉李浮瓜。寂寞厭池塘鬧蛙。庭院裏晝長偏憐我。夜涼枕簟不見他。多嬌娃。風流俊雅。倚闌干猛思容貌勝荷花。

小梁州

這些時雲鬢鬆減了俊雅。玉肌削脂粉慵搽。上危樓盼望的我眼睛花。空一帶山如畫。不由人情思在

天涯。

普天樂

景淒涼。人瀟灑。何日把雙鸞跨。奈薄情不寄鸞箋。相思句盡訴與琵琶。彈粉淚濕香羅帕。暗數歸期將春纖搯。動離情征鴈呀呀。無奈無奈。心事轉加。對西風病容消瘦似黃花。

小梁州

短命敲才辜負了咱。恨不的夢兒裏尋他。他那里偎紅倚翠笑歡洽。我這裏情牽掛。不由人離恨淚如麻。

別銀燈

漸迤邐寒侵繡榻。早傾刻雪迷了鴛瓦。自恨今生分
緣寡。紅爐畔共誰人閑話。啗題罷。托香腮悶加。膽瓶
中懶添溫水浸梅花。

伴讀書

我我我起初時。且是敬他。他他他間深也。和咱罷。我
我我離恨有天來大。他他他不足誇。我我我自詳察。
淚如麻。自嗟呀。他無半點兒真實話。

尾聲

重相見兩意佳。慶喜傳盃弄筆。氣命兒看成勝似花

端正好

花下燕鶯期。春日鴛鴦會。翠紅鄉端的堪宜。配鸞凰
若得成連理。稱了俺平生意。

滾繡球

俊龐兒淺淡粧。身穿着縞素衣。顛巍巍巧盤着雲髻。
描不成玉體香肌。櫻桃一點唇。春山八字眉。酒席間
一團兒和氣喜孜孜。滿捧金盃。輕彈錦瑟。歌聲細。謾
撥銀箏金縷低。怎能勾步步兒相隨。

倘秀才

冰上人知他在。那里。月下老不知所以。因此上姻緣薄。不將咱名姓題。無心觀經史。意懶看文籍。這淒涼自知。

脫布衫

意癡癡。染病耽疾。悶懨懨。廢寢忘食。愁冗冗。情牽恨惹。急穰穰。似癡如醉。

醉太平

想輕憐痛惜。似畫餅充饑。空勞鶯燕問花媒。想離愁

自知。青鸞不把家書寄。賓鴻不至無消息。錦鱗不到信音稀。要相逢。除非是夢裏。

尾聲

楚陽臺朝雲暮雨無踪跡。桃源洞水遠山長去路迷。祆廟火騰騰烈焰飛。藍橋水澄澄雪浪堆。西廂下鶯鶯少了見識。臨川縣蘇卿等了半世。有一日江景淒淒。風雨霏霏。怨怨悲悲。哭哭啼啼。直趕到金山恁時節悔。

九轉貨郎兒

也不唱韓元帥偷營劫寨。漢司馬陳言獻策。也不唱巫娥雲雨楚陽臺。也不唱梁山伯。也不唱祝英臺。則唱那應舉去的長安李秀才。

貨郎兒

李秀才不離了花街柳陌。占場兒貪盃好色。看上他柳眉星眼杏桃腮。對面兒相挑犯。背地裏暗窺畫。

笑和尚

背着他那渾家。使媒人往來。諸餘里炒拍。將花紅布擺。可又早把一箇煙花娶過來。

貨郎兒

我則見齊臻臻的珠樓高廈。碧聳聳青簷暗瓦。

掛玉鈎

途路嶺常存四季花。銅駝陌王孫鬪奢華。公子仕女乘車馬。繡簾高掛。都是那。都是那王侯宰相家。

貨郎兒

那婆娘舌刺刺的挑茶幹刺。他百枝枝的花兒葉子。望空裏揣與他箇罪名兒。

山坡羊

閑行公事。挑三幹四。大渾家吐不的。嚙不下心頭刺。
減了容姿。瘦了腰肢。病恹恹。睡損了裙兒。袿。扶策扶
起。剛動止。他冷了四肢。將一箇賢慧的渾家生氣死。
貨郎兒

迎仙客

火逼的花稍上。鴉飛鵲散更。那堪更深夜闌。恰便似
火焰山天賜到長安。

了連雲棧。

紅繡鞋

恰便似赤壁鏖兵風範。布牛陣舉火田單。便似火龍
煙戰錦爛斑。將那房簷燎脊。條來板。急救着。可又早
連累了官房五六間。

貨郎兒

我則見昏慘慘的。天涯雲布。更那堪滴滴點點。瀟湘
夜雨。早是那窄窄狹狹。溝溝壑壑。路崎嶇。黑黑黯黯
陰雲霧。那淒淒楚楚。水面糊突。撲簌簌。濕淥淥。陰雲

開處。我則見霍霍閃閃電光星注。

上小樓

怎禁那颼颼摔摔風。霖霖淅淅雨。高高下下凹凹凸凸斷斷續續。骨骨魯魯出出律律踈林人物。我則見昏昏慘慘瀟湘水墨圖。

貨郎兒

河岸上和誰說話。向前去親身問他。詐言道。奸狡是船家。

殿前歡

猛然將家長喉嚨搯。磕塔的揪住頭髮。我是箇婆娘家。怎救拔。也是他合亡化。撲藜的命掩在黃泉下。將李春郎的父親。則向那翻滾滾的波心中水滄殺。

貨郎兒

他據一品風流人物。打扮的諸餘里俏簇。

快活年

繡雲肩背是鴈脚蘆。他繫着條兔鶻兔鶻。海犀皮川山玉連珠。是那無瑕的荆山玉。那行呼也波哥。整身軀也波哥。打着鬚鬚。後走犬飛鷹。架着鷓鴣。他獵

圍場過去過去。扯着轡盤旋驟着龍駒。端的疾似那
流星注。那風流也麼哥。恰渾如也麼哥。恰渾如和番
的昭君出塞圖。

貨郎兒

我則見鬧鬧穰穰無顛無倒。更那堪寂寂悄悄何日
是了。畫簷間鐵馬兒被風敲。受過的淒涼苦。愁和悶
怎生熬。

堯民歌

我愁的是雨星兒浙零零。淙滴滴。點點碧碧薄薄灑

芭蕉。又見靈鵲兒赤綠綠。踪赤溜出律一來一往一
上一下轉過花稍。則見那梧葉兒滴溜溜飄飄飄。飄飄
飄紛紛揚揚落在簷稍。則我這淚點兒撲簌簌。溼溼
浸浸淋淋淥淥。搵濕鮫綃。今宵。今宵睡不着。難熬這
場淒涼苦。則被那幾聲兒長噓。捱到曉。

貨郎兒

我便寫與他生時年紀。不曾道差遲了半米。未落筆
花箋上淚珠垂。

脫布衫

長噓氣呵軟了毛錐。恹惶淚滴滿了端溪。十三年不知箇信息。相別時恰纔七歲。

醉太平

他如今二十。恰便似大海內沉石。俺在那洛河岸上各分離。知他在江南塞北。俺孩兒耳垂福相過肩墜。膏前一點硃砂記。長安鋪席省衙西。俺孩兒小名喚做春郎身姓李。

汲沙尾

金殿鎖鴛鴦。何時重會情娘。間阻佳期。咫尺霧迷雲

障。思量常想那尊前席上。多丰韻容貌非常。風流艷粧。自古道淑女堪配才郎。

脫布衫

歌白雪餘韻悠揚。紅牙撒盡按宮商。品玉簫鸞鳴鳳叶。舞霓裳翠盤宮樣。

小梁州

解語知音所事強。端的是世上無雙。冰絃慢撥趁奇腔。聲嘹唳。口噴麝蘭香。

么篇

輕清韻美低低唱。啓朱唇皓齒如霜。穿一套縞素衣。
盡都是依宮樣。又不是悲秋宋玉。可着我想像賦高
唐。

漁家傲

到春來和風蕩。噴火夭桃正宜翫。賞。閑遊戲拾翠尋
芳。正春光艷陽。雕梁乳燕呢喃。兩遊蜂趁蝶舞飛揚。
正清和氣爽。踏青載酒吟詩賦。鬪草蕨闌雲錦鄉。添
情況。滿斟着玉觴。遇韶華休負好時光。

醉太平

喜炎天晝長。避暑納新涼。浮瓜沉李飲瓊漿。聽蟬鳴
綠楊。榴花噴火爭開放。葵花向日玻璃漾。荷花雲錦
滿池塘。直喫的樂醕醕入醉鄉。

普天樂

翫中秋明月朗。登高在樓臺上。東籬下菊蕊含金。正
消磨暑氣秋光。捧玉觴。葡萄釀酒友詩朋齊歌唱。玉
山頽沉醉何妨。朱扉綠窻。任風吹落帽龍山賞重陽。

伴讀書

布彤雲迷四方。朔風凜檀簾放。暖閣圍爐頻釀盪。正

歌樓酒力添歡暢。我則見多嬌語笑尊席上。引的人
腹熱腸狂。

笑和尚

我將慢慢徐徐語話講。成就了風流况。共寢在銷金帳。
訴衷情到耳傍。盡今生永成雙。選良時配鸞凰。捧瑤
觴。賽神羊。將往事苦都撇漾。

尾聲

姻緣事非計量。盡老團圓壽命長。辨炷明香拜上蒼。

塞鴻秋

一會家想多情。越教我傷懷抱。記當時向名園遊賞
同歡樂。端的他語言和容貌。美心聰俏。天生的來知
音。解呂明宮調。課賦與吟詩。善經史通三教。你看他
彈絃品竹般般妙。

普天樂

記當時。同歡笑。携手向花間道。賞心時同飲香醪。踏
青處共尋芳草。見遊蜂粉蝶都來遶。兩點春山蛾眉
掃。舞裙低楊柳。纖腰。髻雲堆金鳳斜挑。俊看琵琶細
撥檀板輕敲。

脫布衫

撥琵琶檀板輕敲。錦箏擗指法偏高。撫水絃輕清重濁。和新詞美音奇巧。

小梁州

你看他體態輕盈舞細腰。端的是丰韻妖嬈。遏雲聲美透青霄。端的是多奇妙。真箇是芙蓉面海棠嬌。

么篇

你看他金蓮款步蒼苔道。髻雲堆金鳳斜挑。常言道風流的遇着俊英。浪子的逢着俏倬。更有那馮魁黃

肇。便有那千金買也難消。

鴈過聲

多嬌。丹青怎描。更天然花容小巧。風流的不似他容貌。有萬般嬌。有萬般標。更萬般丰韻千種妖嬈。歌聲縹緲。畫堂試聽畫梁塵遠。只教那行雲飛過畫闌橋。

醉太平

一會家被春光相惱。越教我展轉的添憔悴。你看他往來雙燕共泥巢。沙暖處鴛鴦並在池沼。你看那蜂媒蝶使穿花鬧。不覺的微微細雨將紗窻哨。更那堪和

風淅淅將竹枝敲。這淒涼何時節是了。

傾盃序

連宵雨暗飄。水漸高。一向無消耗。舊約難期。舊情難捨。舊愁重集。雲水迢迢。房櫳靜悄。水沉煙冷。寶鴨香消。只教人逢花遇酒與無聊。

貨郎兒

這些時相思病有誰人將我醫療。即漸的把身軀瘦了。將我這朱顏綠髮看看的盡枯焦。廢了經史。棄了霜毫。每日家悶懨懨如癡似醉。鬼暗消。額似錐刺心。如刀攪。無語寂寥。遇不着醫鬼病靈丹藥。

么篇

燄騰騰烈火焚燒了祆廟。白茫茫浪濤天水滄了藍橋。霧濛濛桃源洞。阻隔的來路迢迢。賈冲宅添人巡捕。崔相府閉的堅牢。最苦是將他那楚館和這陽臺崩壞倒。

小桃紅

等閑間韶華老。辜負了春多少。則聽的鐵馬簷前嚮。玎璫將人惱。音書欲寄無青鳥。心腸朝夕傷懷抱。幾

時能勾再整鸞膠。

伴讀書

這愁煩我命所招。辦誠心把蒼天告。則願的馬上墻頭。共一處同歡樂。有一日夫妻美滿身榮耀。常言道青霄有路終須到。纔稱了心苗。

笑和尚

再將。楚陽臺砌壘的牢。重蓋一座祇神廟。磚甃了桃源道。賈冲宅人靜悄。藍橋下水歸漕。選良宵鳳鸞交。飲香醪樂醕醕。將崔相府洞房春把花燭照。

尾聲

天還許福分招。帶綰箇同心到老。辦炷明香每夜燒。

端正好

香塵暗翠幃屏。花露冷鮫綃帳。悶恹恹畫閣闌堂。愁雲怨雨風流况。都感在眉尖上。

滾繡球

俏風流窈窕娘。俊龐兒淺淡粧。掃蛾眉遠山新樣。穿一套藕絲衣雲錦仙裳。帶一副珠落索玉項牌。翠釵瑜寶串香。打扮的一樁樁停當。步瑤堦環珮玎璫。溶

溶月色浸珠戶。寂寂花陰付粉墻。春色芬芳。

倘秀才

展玉腕把春纖合掌。恰便似白蓮蕊初生在這藕上。高捲珠簾拜月光。碧梧搖碎影。紅藥吐狂香。正紅稠綠穰。

滾繡球

啓綠窻。離了繡房。博山爐把香來拈上。辦着片志誠心禱告穹蒼。低低的念了一會。深深的拜了四方。轉秋波又則怕外人偷望。則爲咱正青春未配鸞凰甚。

時得遇乘鸞客。何日相逢傳粉郎。審問箇行藏。

倘秀才

磨着定烏龍墨向端溪硯傍。援着管玉兔筆寫在羅紋紙上。恰便似破八卦桃花女計量。五行推造化。六甲定興亡。沉吟了半晌。

呆骨朶

厮瑯瑯的把金錢擲下觀爻象。却怎生單單單拆拆拆拆陰陽。恰數着坤偶乾奇。擺列着天三地兩。用神有天喜臨。主令的財官旺。便做道是李淳風不順情。那

一箇素天罡肯調謊。

貨郎兒

一見了神鬼飄蕩。不由我心勞意穰。我將這金錢仔細細推詳。恰離了湖山側。早來到會賓堂。

脫布衫

明滴溜月轉西廂。錦模糊花暗東墻。何處也花燭洞房。那里也錦衾羅帳。

醉太平

打疊起麻衣百章。周易行藏。下工夫想繡箇錦香囊。

則在這香盒兒裏供養。準備着梨花月應雙歌唱。杏花樓上同翫賞。再不去菱花鏡裏巧梳粧。

貨郎兒

眠思夢想悲楚淒涼。再不去花月亭前燒夜香。

端正好

小庭幽重門靜。東風軟膏雨初晴。猛聽的賣花聲過天街應。驚卸芙蓉興。

么篇

殘紅粧點青苔徑。又一番春色飄零。遊絲心絮柳花

情還似郎無定。

倘秀才

南浦道送春行。多應是拋棄了歡娛。遶逐利名。千古恨短長亭。欲留戀難能。四眸相顧兩同心。信佳人薄命。

滾繡球

玊玊瑤拈折玉簪。撲簌的井墜銀瓶。分開鸞鏡。生來幾曾理會。害甚麼相思病。怎捱這從此後冷清清的。光景。別酒慵斟。離歌倦聽。俺車兒去也。他上馬登程。

向晚歸來愁悶增。閃的人來孤另。

三錯尾

金盃空冷落了尊前興。錦瑟絃生疎了月下聲。欲寄音書。空織迴紋錦字成。奈遠水遙山隔萬層。魚鴈也難憑。

二錯尾

料憂愁一日加了十等。想茶飯上三停裏減了二停。白日由閑。怕到黃昏。睡卧不寧。則我這淚點兒安排下半枯井。也滴不到天明。

煞尾

團團黃篆焚金鼎。夜夜濃薰煖翠屏。偏今宵是怎生。
乍離別不慣經。睡不安卧不寧。分外春寒被兒冷。

端正好

醉墨寫烏絲。寶串焚金獸。畫堂深簾控金鈎。瀟瀟紅
雨迷晴晝。冉冉香風透。

滾繡球

柳絲垂翠帶愁。花過雨玉貌羞。幾般兒感人憔悴空
教人對景添愁。燕和鶯相趁逐。蜂共蝶厮配偶。怎當

那戲清波錦鴛前後。倚雕闌終日凝眸。他那里春風
馬上扶殘醉。都做了落日蟬聲送客愁。霎時間耽憂。

倘秀才

常則是淚搵濕青衫袖口。愁變作虛勞症候。抵多少
野草閑花滿地愁。人何在。水空流。無言低首。

滾繡球

他說的不應口。我害的忒恁陡。半年来水泄不漏。常
則是立斜陽目斷粧樓。青鸞信不來。紅葉詩怎耐。這
椿事不能成就。送的人潘鬢成秋。我將這相思傳字

字都叅透。斷腸集篇篇講論熟。都記在心頭。

叨叨令

想着他月明人約黃昏後。想着他春生錦帳裏來時。候烏雲亂擁金釵溜。丁香細吐眉兒皺。兀的不想殺了人也波哥。兀的不想殺人也波哥。想着他燈前鞋底尖兒瘦。

脫布衫

想着他玉生香一捻溫柔花。解語萬種風流舞東風。腰如嫩柳歌夜月。鳳吟清晝。

小梁州

俺也曾閑並香肩月下遊。那其間兩意綢繆。想着他臨行甜話兒。厮逗遛。我這裏寧心兒候。到如今過一日勝三秋。

么篇

礮可可曾說下神前咒。指望咱永團圓相守到白頭。應答的意似癡。啜賺的機關透。到如今撇人在腦後。再誰信你那巧舌頭。

上小樓

又不曾停眠整宿。到引的人無昏無晝。常則是似醉如癡。不明不暗。無了無休。兩處憂一樣愁。憑誰醫救。我可也甘心兒爲他消瘦。

么篇

搵鮫綃淚暗流。這離情何日休。一會家穰穰勞勞。纔在心上。又上眉頭。夢裏憂醒後。愁忘了還又。都則爲這美甘甘。那些兒情厚。

滿庭芳

指望待天長地久。星前月下。燕侶鶯儔。美姻緣甘受。

用無昏晝。無了無休。誰承望美容顏如常。病酒青衫。淚鎮日悲秋。再會面何時又。不堪回首。風雨替花愁。

耍孩兒

你可便既無情。休把人迤逗。早共晚教人等候。月明纔上柳梢頭。幾番家來又還休。想殺人也彩雲聲斷。鸞簫夜。盼殺我也青鳥書來隴樹秋。空自把眉兒皺。則爲這巫雲楚雨。翻成做綠慘紅愁。

耍孩兒

恰梨花暮雨收。早芙蓉野水流。恰清明又早重陽後。

昨宵錦帳春如海。明日黃花蝶也愁。想世事如翻手。
青春有限。愁悶無休。

一煞

把花箋用意脩。想韓香甚日偷。黑模糊雲暗了巫山
岫。半生恩愛三生夢。一種情懷萬種愁。難禁受。怕的
是燈昏酒冷。愁的是雨散雲收。

尾聲

留戀着竊玉心。包藏着折桂手。好姻緣早晚能成就。
言過的誓海山盟。應不的口。

金殿喜重重

新綠池邊。猛拍闌干。心事仗誰論。花也無言。蝶也無
言。離恨滿懷縈牽。恨東君不解留去客。嘆舞紅飄粉
飛綿。景依然。事依然。悄然不見郎面。

塞鴻秋

俺相別時節。正逢着春海棠花初綻。蕊也則是微分
間現。霎時間榴花噴紅蓮。放沉水果避暑。搖紈扇。送
巡間菊花黃金風起。敗葉飄梧桐變。不覺的臘梅開
冰花墜。煖閣內將香醪釀。四季景偏多。思想心中戀。

不知俺那俏冤家。冷冷清清獨自箇悶懨懨。何處擔着
寂怨。

金殿喜重重

嗟怨。自古風流悞少年。那堪值暮春。天生怕到黃昏。
愁怕到黃昏。獨自箇悶不成歡。換寶香薰被誰共宿。
嘆夜長枕冷衾寒。你孤眠我孤眠。但只是寃夢裏相
見。

貨郎兒

有一日稱了俺平生心願。成合了夫妻謝天。今生一

對兒好姻緣。冷冷清清擔着寂寞。愁冗冗受着熬煎。

醉太平

都則爲多情的這業冤。今日箇恨惹情牽。想當日設
山盟言海誓在星前。擔問了風流的這少年。有一日
朝雲暮雨成姻眷。畫堂歌舞排歡宴。有一日羅幃錦
帳裏永團圓。花燭洞房成連理。休忘了受過的這凄
涼有萬千。

賺

行李都辦。早登程去心如箭。休苦留戀。漸覺江天紅

日晚欲臨行。孜孜覩着。心兒裏暗約。教人怎不埋怨。
黯然分散。恁時兩處消魂。悶縈方寸。

怕春歸

是我心兒悶。那更萬綠枝頭。聲聲叫杜鵑。啼不如歸。
聽不如歸。教人悶轉添。霎時間相聚。又怎知明日天
涯孤館。

怕春歸

羞見對柳眉。翫柳眼。千萬縷添縈絆。自從別後。休將
人攀。向晚回深。沉院落。料爲你停針頻作念。待會時

怕水遠山遠。人遠。唱徹陽關。滿斟別酒。醉懶圖得不
知離別難。

尾聲

暫別登程。休留戀。不堪處。度日如年。好似和鈞吞却
線。

端正好

正團圓成孤另。陳元帥隨坐隨行。他那里是幸西蜀
特保駕親將領。則是怕走失監收定。

么篇

雖離了戰爭場。却貶入恹惶境。坡崗峻馬足難停。常
則是短甌玉勒挑金蹬。緊緊的把雕鞍凭。

滾繡球

連雲棧翠靄生。劍門關冷氣增。那吐虹霓太陽掩映。
亂雲重溝澗層層。地不平人怎行。窄峽峽玉龕石蹬。
則不路人愁鳥也倦飛騰。至輕去國三千里。恰是傷
心第一程。膽戰心驚。

倘秀才

冲落葉穿崑過頂。趁衰草登山驀嶺。却甚麼綠暗紅

稀出鳳城龍虎將。御林兵好無些見面情。

滾繡球

常想着長生殿裏慶七夕。碧梧桐下過二更。正深沉
夜闌人靜。各私言海誓山盟。學連理枝比翼鳥。對牽
牛郎織女星。說真情指天爲證。誰想你落塹投坑。我
棄了三千粉黛孤身過。你向那十二瑤臺獨自行。有
影無形。

倘秀才

我可甚納諫如流

聖明。您可甚觸樹攀欄諫諍。都則會硬厮併乾厮撐壯。厮挺越哀告越施呈。施呈他那氣性。

伴讀書

磨滅盡風流興。增置出相思證。六耳不聞穿聯定。一言既出。須交應。分豪誰敢違軍令。我則索喏喏連聲。

貨郎兒

又不敢和他致爭。半路里把平人要施行。止不過愛梨園內樂聲。止不過戀金屋銀屏。止不過舞腰纖細掌中擎。那些兒是非名。惡眼眼早傳將軍令。眼睜睜

險逼了人性命。痛殺殺割斷太妃情。怎生教娘娘屈當了重名。

尾聲

眼見的人離西閣。秋天靜。月照椒房夜不扁。心難安。意不寧。愁如珠淚似傾。惡風光鬪馳騁。鴉閃殘陽背日明。鴈列西風行不成。嗚噎蟬聲分外清。啾唧蛩吟。刀厥鳴。恠石在崑卧虎形。老樹槎牙倒龍影。古栢蒼松細古藤。夾道黃花開短徑。一弄兒淒涼厮刁蹬。越教人鑽心入髓疼。想俺國敗家亡無權柄。不毒似這

仗勢欺人的暮秋景。

端正好

訪知音習酌和。也不問利名如何。不貪不愛隨緣過。把世事都叅破。

滾繡球

歎光陰疾似梭。想人生能幾何。轉回頭百年已過急。回首兩鬢斑皤。光陰轉眼那。日光彈指過。送了些干崢嶸且貪呆貨。有兩句古語您自評跋。相隨故友年。年少郊外新墳。歲歲多。一枕南柯。

倘秀才

日落西山啣着烈火。月出東雲托着玉鉢。似這般東去西來怎奈何。金烏疾如箭。玉兔似攏梭。自心中定奪。

滾繡球

則不如種山田一兩垧。栽桑麻數百科。驅家人使牛耕播。住幾間無憂愁草苫莊窠。一朝苗稼鋤。趁時將黍荳割。養春蠶桑葉忙剉。着山妻上布織梭。秃厮姑緊緊的將綿花紡。村半姐慌將麻線搓。一弄兒農器

家活。

倘秀才

閑時節疎林外磁甌瓦鉢。盛摘下些生桃硬果。晚趁斜陽景物多。聽水聲流浪遠。觀山色嶺嵯峨。與俺那莊農每會合。

塞鴻秋

我若是醉時節笑引着兒孫和。醉時節麥場上閑獨蹠。醉時節轆轤上喬衙坐。醉時節巴棚下和衣兒卧。酒醒覺來時。直睡到參兒錯。不聽的五更鐘人馬街。

前過。

耍孩兒

收成黍苳盈倉垛。經年不缺半合。收耕罷織足衣食。將柴門緊緊扃合。早晨間苳粥喫三碗。到晚來蘸湯做一鍋。煖炕上和衣卧。守着俺山妻稚子。喂養些牛畜驢騾。

四煞

到春來綠依依柳吐煙。紅馥馥桃噴火。粉蝶兒來往穿花過。黃鶯出谷尋新柳。紫燕歸巢覓舊窩。時雨降

天公賀慶新春齊鼓社鼓賽牛王共繫銅鑼。

三煞

到夏來翫池塘十里長。賞荷花百步闊。青鋪翠蓋穿紅破。雖無那彩船畫舫遊池沼。也有那短棹漁舟泛淺波。故友來相賀。遠溪邊鮮魚旋買。沿村務沽酒頻濁。

二煞

到秋來碧天鴈幾行。黃花兒開數朵。滿川紅葉似胭脂。抹青山隱隱連巔嶺。綠水潺潺泛淺波。鮮藕蓮根

剉團臍蟹味欺着錦鯉。嫩黃鷄勝似肥鶩。

一煞

到冬來朔風扈地刮。彤雲密布合紛紛。雪片錢來大。須臾雲漢飄白蕊。咫尺空中舞玉蛾。冬景堪酌和草菴前寒梅雪壓。短窻邊瘦影頻磨。

尾聲

四時景物佳。放形骸堪正可。我比你省憂愁少煩惱。無災禍。到大來無事無非快活殺我。

端正好

夜將闌人初靜。悶懣懣獨步閑行。又無箇使數的把
咱相將領。羅襪窄雙尖並。

滾繡球

這其間天色晴。月正明。並無那片雲遮映。我將這香
盒兒手內高擎。我這里燒好香。稱着小名。禱告了四
方神聖。負心的少不的落漣投坑題。起那小名兒怎
不着人心頭想。好教我無語無言淚暗傾。不由人感
嘆傷情。

倘秀才

聞畫角悠悠數聲。聽更鼓鼕鼕的二更。歸寢室連
不暫停。玎璫響。玉鈎鳴。我則索慢行。

滾繡球

又恐怕老母聽。我則索躡足行。款款的將繡房門掩
映。怎禁那銀臺上燈焰熒熒。懶將那針線拈。繡作憎。
我將這碎生活打併。急收拾手似撈菱。黑油架上衣
服搭。紅漆粧盒釵釧盛。斜倚定圍屏。

脫布衫

不由人兩淚溼溼。月兒照房內窻櫺。寶爐中焚燒篆

餅。風兒吹壁間。圖幃。

小梁州

半擁鮫綃眼。漸明。端的是好夢難成。垂床倒枕。不安
寧。添愁興。良夜對銀燈。

么篇

尋思半晌空。俛倖。想起来怎不傷情。則願的成了配
偶。婚姻定。哎你箇敲才薄倖。忒俊俏忒聰明。

端正好

釣艇小。苦寒波。簑笠軟遮風雨。打魚人活計。消疎農

家鸚鵡洲邊住。對江景真堪趣。

滾繡球

黃蘆岸似錦鋪。白蘋渡如雪糝。野鷗閑自来自去。暮
雲閑或轉或舒。日已無。月漸出。映蟾光滿川修竹。助
風聲兩岸黃蘆。收綸罷鉤。尋歸路。酒美魚鮮樂有餘。
此樂誰如。

倘秀才

睡時節把扁舟來纜住。覺來也。又流在蘆花淺處。蕩
蕩悠悠無所拘。市朝遠。故人疎。有樵夫做伴侶。

脫布衫

雨纔過山色模糊。月初升桂影扶疎。恰離了聚野猿
白雲洞口。早來到散清風綠陰深處。

醉太平

相逢的伴侶。豈問箇賢愚。人間開口笑樵漁。會談今
論古。放懷講會詩中句。忘憂飲會盃中趣。清閑釣會
水中魚。俺兩箇心足來意足。

尾聲

樵夫別我山中去。我離樵夫水上居。來日相逢共一

處。旋取香醪旋打魚。散袒逍遙看古書。問甚麼誰是
誰非。俺兩箇慢慢的數。

端正好

玉露滴起金風。雲霧冷秋天靜。見家家宴樂昇平。正
值着桑麻黍苴田蠶盛。將萬載江山慶。

滾繡球

禾稼收戶口增。歛差徭家道清。正遇着太平佳景。端
的是五穀豐登。冷清清景物寒虛。飄飄瑞氣生。真乃
是一時佳令。喜孜孜宴享龍庭。見如今萬邦聚會朝

金闕四海歌謠。日月明。扶持着一統乾坤。

倘秀才

見如今

聖主寬深居九重。文武每將江山自整。一派簫韶響鳳城。蟾光清似水。明月照神京。是看這清秋桂影。

呆骨朶

見如今萬邦和一統年豐盛。普天下農業收成。皆因是聖道光輝。更那堪仁慈孝誠。我則見玉闕瓊宮旺。更和這鳳閣龍樓勝。端的是賽蓬萊錦繡鄉。真乃是

比瑤池景物清。

脫布衫

托賴着吾

皇德四海和平。臣居位法治權衡。邊塞安九夷進禮。列琴堂六曹清政。

小梁州

見如今一統封疆四海寧。八表來庭。趁着這風光佳節喜相迎。端的是皆歡慶。願萬載賀長生。

么篇

有他這瑤池仙子齊排定。玉樓前鳳舞麟生。列珍羞
玳瑁筵。排水陸佳餚淨。時逢着中秋節令。你看這鳳
闕瑞雲生。

尾聲

休負了良辰節屆風光景。舜日堯年宇宙寧。翫賞蟾
光桂影清。畫燭高烧燦色明。香爇金猊煖翠屏。一派
笙歌音律聽。齊賀着萬載千秋樂仙境。

端正好

柳飛綿花飄瓣。又一番春事闌珊。蜂迷蝶困鶯聲懶。

感起我愁無限。

錦纏道

這其間。即漸里相思病趲。消瘦減潘顏。自別來如隔
萬水千山。非是他情踈意懶。多應我分淺緣慳。無奈
被人訛。粧成科範。將咱好事闌。謾意思和愛。恰一似
夢邯鄲。

塞鴻秋

赤緊的楚陽臺險峻似連雲棧。武陵溪間隔東洋岸。
他將那錦迴紋合歡帶。皆揪綻。繡香囊同心結都拆。

散揉損並頭花。斫斷連枝幹。恨不的遶池塘。摔碎了
鴛鴦彈。

普天樂

少欠下。風流難。捱不徹憂愁限。傷心處。鳳隻鸞單。孤
眠時。枕冷衾寒。自那日私情犯。料想嬌姿。遭拘絆。我
痛着迷。不似今番。愁眉淚眼。恨別離最易。相見應難。

伴讀書

停歇了泥金字。隔斷了衡陽鴈。將一段美愛幽歡。常
凝盼。爲他時曉夜心無憚。怎承望冰人托夢成虛幻。

似羝羊觸藩。

笑和尚

無人駕司馬車。憑誰舉梁鴻案。賈冲宅頻巡看。張京
兆情緒。奸沈東陽。膽心寒。兩眉攢。寸心拴。將意馬鎖
心猿按。

刮地風

降下一天愁。共煩。到如今。怎辭難。良緣有分。非爲晚。
事從人自在。閑。明月再圓。彩雲休散。辦心堅。管熬得
海枯石爛。天若有。意天顧盼。終有箇稱心間。

尾聲

才郎有日重相盼。破鏡重圓真箇罕。把許下心香夜
夜還。

端正好

本是對美甘甘錦堂歡。生扭做悲切切陽關怨。恰離
了鶯花寨。早來到野水平川。急煎煎千里程途踐。景
瀟瀟宜寫在圍屏面。

滾繡球

動羈懷淅零零暮雨晴。惱人腸日遲遲春晝暄。感離

情嬌滴滴弄喉舌。啼鶯語燕舞飄飄。紛紛柳絮飛
綿。歎浮世草萋萋際碧天。綠茸茸柳吐煙。響潺潺碧
澄澄。皺玻璃楚江如練。斷送了行人的。是行色淒然。
醉醺醺。昨宵歡會知多少。冷清清。今日淒涼有萬千。
空着我無語無言。

倘秀才

莫不是黃司理緣簿分淺。多管是雙通叔時乖運蹇。
我可也再不向秦樓列管絃。彩鸞回鏡舞。青鳥罷啣
箋。兀良他去的不遠。

叨叨令

不思量心上由作念。越思量越恁的添勞倦。意遲遲
欲把他留戀。再幾時能勾成鶯燕。他原來去了也波
哥。他原來去了也波哥。可着我減香肌腕鬆了黃金
釧。

脫布衫

不行動則管裏熬煎。休停待莫得俄延。側着耳聽沉
了半晌。說的我膽寒心戰。

醉太平

元來是昏鴉噪暮天。孤鴈落沙邊。猛聽的隔江人喚
渡頭船。啼紅的是杜鵑。撲簌簌淚濕殘粧面。將風流
秀士難留戀。生挖扎拆下並頭蓮。則爲俺多情業冤。

尾聲

三盃別酒肝腸斷。一曲陽關離恨天。我懶載車兒倦
向前。他怕上雕鞍懶贈鞭。彼各無言兩淚漣。各辨心
堅石也穿。兩處相思情意牽。遙望見車兒漸漸去的
遠。

金殿喜重重

君德如春。普周寰區。天下盡來賓。

聖德如雲。聖知如神。勝似禹湯周文。奉慈闈誠。孝荅上蒼。遍海宇一統。霑恩。理斯民。治斯民。永承萬代天運。

塞鴻秋

喜生逢着這太平年感吾

皇。過文景。敢則是崇謙遜。你看他那能經邦如房杜。無私曲。臣宰每懷忠信。見如今普天下尚文德。士庶每勤脩進。端的是那整綱常。論治道。講理性。多學問。德福兩相全。身屋皆兼潤。托賴俺那

聖明君德。巍巍恩蕩蕩。致感的和氣天心順。

金殿喜重重

氤氳日麗。中天顯慶雲。皆因是孝尊親德。合乎乾坤。仁孚乎乾坤。端的是萬民歡欣。致感的時令皆順序。因此上佳景清新。值芳春賞芳春。但只見桃共李成陣。

貨郎兒

喜忻逢昇平節。端陽相近。泛玉酒。休辭醉醺。金爐腦麝。可便把香焚。錦重重設着珍饌。齊臻臻列着佳賓。

醉太平

一任教觥籌的數頻。拚着箇花影扶身。假若是春初
回秋已盡便休論。直喫的下西山日曛。我看這豐年
佳節休心困。當歌對酒休心悶。我則待陶情美意便
保全身。

貨郎兒

醪醖再斟休放淺。端的是不飲鶯花也笑人。

賺

荷蓋初褪。見菊花綻香微噴。秋滿乾坤。漸覺金風來

院宇。見遙天雙雙的鴈飛。心兒裏暗疑。教人怎不警
心。偶然霜信。恁時水面收痕。撫時如瞬。

怕春歸

未已天光又變。那更紙窗外。舞飄飄雪似銀。低簌珠
簾。荒簌珠簾。教人半掩門。霎時間觀看。又怎知是處
飛揚如粉。

怕春歸

難忍。迷遠山埋遠嶺。單應着承平運。幸然歡樂休教

因循托

主上寬洪聖德。威伏的蠻夷來朝覲。順以時。普天下風
雨調勻。滿藝名香。萬民稽首。賀感
聖主仁孝。過堯舜。

尾聲

朝野衣冠登賢俊。那堪更尚義施仁。萬國千邦皆歸
順。

端正好

壽香靄篆烟微。壽香靄篆烟微。壽燭輝榮光耀。壽筵
排異品佳餚。壽笙歌一曲昇平調。壽酒斟金罇樂。

滾繡球

壽東華降碧霄。壽西池下翠翹。壽南極天開黃道。壽
躡躡珠頂仙鶴。壽靈芝顏色鮮。壽靈龜展翠毛。壽殿
前彩雲繚繞。壽甘露碧藕冰桃。壽金童親捧長生藥。
壽玉女高擎丹鳳詔。壽誕逍遙。

脫布衫

壽青松蒼古竒標。壽翠竹高節凌霄。壽江梅香馥畫
閣。壽還同歲寒節操。

小梁州

壽比南山福更高。壽無窮東海濤濤。壽山福海永堅
牢。壽享着千年弔。壽夜月共花朝。

么篇

壽康寧八節長安樂。壽清閑四季和調。壽賀在畫錦
堂。壽寫在金花誥。壽不改金容玉貌。壽王母宴蟠桃。

尾聲

壽榮華輕裘肥馬身榮耀。壽爲頭五福之中惟壽高。
壽安然壽快樂。壽延年壽遇着。壽享遐齡千載標。壽
比松黃永不凋。壽同那地久天長受用到老。

端正好

喜明時昇平世。喜豐年萬國來儀。喜重重慶衍天宮
內。喜祝讚

當今帝。

滾繡球

喜今花映袞衣。喜龍章捧玉珪。喜風光滿天晴霽。喜
筵開御饌珍奇。喜仙音奏錦箏。喜簫韶吹玉笛。喜洋
洋滿乾坤和氣。喜孜孜高捧金盃。喜增
萬壽籠金殿。喜藝龍香滿鳳池。喜

聖壽與天齊。

脫布衫

喜團圓。孝敬慈闈喜。安康治國家。齊喜遇着堯年舜日。喜遇着嗣登寶位。

小梁州

喜行孝道天下知。喜和同歡笑怡怡。喜笙歌一派樂聲齊。喜今朝瑤池會。喜日月盛光輝。

么篇煞

喜皇朝文武賢能備。喜

皇圖穩勝盤石。喜的是玉葉榮。喜的是金枝密。喜行仁義。喜四海仰天威。

尾聲

喜吾

皇永綿綿聖意合天意。喜臣僚都與

皇家掌旺氣。喜忠良能治國。喜清廉法正直。喜的是穀雙穗。麥二岐。喜祥光增瑞氣。喜禎祥盡來儀。喜的是不動征旗動酒旗。喜的是吾

皇納諫如流萬民喜。

端正好

正炎天暑氣增。承畫閣涼亭樂。列浮瓜沉李冰桃。槐
陰枝上蟬聲噪。撚指間三伏到。

滾繡球

看荷花片片嬌。動仙音奏九韶。端的是管絃繚繞。見
如今雨順風調。民安國泰皆歡暢。鼓腹謳歌仰
聖朝。一統過堯。

脫布衫

採蓮人畫舫飄飄碧。荷筒滿捧香醪水。面上遊魚來

往。蕩鴛鴦兩邊廂叫。

小梁州

仕女遊人相趁着。端的是堪寫堪描。風光佳節不相
饒。同歡笑。沉醉樂醕醕。

么篇

池中荷傘高擎罩。採蓮人齊獻銀苗。列珍饈玳瑁筵。
排水陸諸般妙。正遇着三伏天道。萬萬載

大明朝。

端正好

減風流添憔悴。不似我這樣着迷。空着我惹下風流罪。我可也不解你其中意。

滾繡球

如今那子弟每。知他是甚所爲。得團圓好看成容易。不得呵用心兒暗約偷期。到做了蜂媒蝶使調風月。你則待拆散鴛鴦兩下裏。則除是天地皆知。

倘秀才

獨守在羅幃帳裏。空生得有才學沒些兒見識。我這裏滿腹愁腸訴與誰。你可便胡猜我。莫疑惑。你着我

說一箇甚的。

塞鴻秋

一會家不見他想的我心腸碎。見他時看不徹多嬌媚。敬他時捧盞兒忙前跪。愛他時無價寶珍珠貴。淡畫遠山眉。亂挽烏雲髻。我這裏告青天早早成佳配。

脫布衫

不由人哭哭啼啼。暫時間切切悲悲。這早晚不知在那裏。空教我盼望他一會。

小梁州

我這裏滿腹愁腸訴與誰。罵你箇負心的天知。又不
是不聰明不俊俏不伶俐記的咱說來的誓。可不道
相守不曾離。

么篇

尋思就裏如癡醉。但行處步步相隨。怎生來半路裏。
絕恩義。相拋相棄。罵你箇喬才短幸。你原來則做的
不真實。

伴讀書

你你不待酒佯粧醉。我我我覷不的喬樣勢。又不

曾宋玉傳香胡尋覓。不識箇好弱高低。

笑和尚

我我好話兒傳示你。他他他定一箇無碑記。休休
休說箇甚的。罷罷罷再休題。我將你緊迴避。入門來
那雄勢。纔做下打一會。罵一會。你解不了我心頭氣。

尾聲

休則管絮叨叨無了休。故佯推如醉癡。若要我意徘徊
重再言盟誓。恁時節纔續下恩情效連理。

